

新刊臨川王荆公先生文集卷之

表

兩府待罪表

請 皇帝御正殿復常膳表二道

乞罷政事表一十三道

手詔令視事表


添差男旁勾當江寧府糧料院謝表

詔以所居園屋爲僧寺及賜寺額謝表

依所乞私田充蔣山太平興國寺常住謝表

辭免司空表二道 乞致仕表

兩府待罪表



臣某等伏觀內降德音以陝西河東兩路外勤師旅內耗
黎元引咎推恩者罪已以興方懋日新之德經邦弗效敢
辭天討之刑中謝臣等昔以凡材過叨重任內不能定國
家之論以協士民外不能成疆場之謀以緩夷狄用開邊
隙亟使人勞至深惻於聖懷實大愆於榮祿竊官若此即
罪爲宜唯竝寘於嚴科乃大符於公論臣等無任

請 皇帝御正殿復常膳表二道

臣等言奉 聖旨以祈雨未應避正殿減常膳者陽春生
物偶霑澤之稍愆睿意恤民遽側身而自抑德已修於銷
寢數或係於非常當復彝儀用安群下惟 皇帝陛下
天仁博施神智曲成躬忘肝食之勞坐講日新之政四

時協序萬物致和適當化養之辰宜得涵濡之澤以違常
候深軫清衷退師氏之正朝約大官之盛饌仰窺謙德志
在閔民然而遐虜來朝當即法宮之位誕辰入慶合陳燕
俎之珍事有所先禮難偏廢伏願仰回淵聽俯徇輿情風
御九筵之居並羞十閣之具上以全於國體下以副於臣
誠臣無任

二

臣某等言近上表請 御正殿復常膳蒙降批荅不允者
時澤偶愆屢勤齋禱 聖衷愈勵曲盡焦勞將損已以召
休因退次而貶食列陳剡奏尚闕嗣音在臣列之靡遑伏
帝闈而再扣中謝恭惟 皇帝陛下體居離正德稟乾剛

期操俗以致康嘗納隍而興念七載于此繼獲豐穰一春
而來或罹愆亢皇慈深軫群祀徧修恐徃并車則親慮其
囚懼黼黻羨則躬變其服仍損內饗之辛兼虛正寧之朝
然而禮責從宜事難泥古而況甫臨誕節交幸慶儀有列
辟拜萬年之觴有殊俗脩兩朝之好苟虧彝制難副群情
少屈淵衷特從誠懇天臨廣廈日御常玕親事法宮廓宣
於政治惟辟玉食昭示於等威仰以慰兩宮之慈俯以安
群下之望臣等無任

乞罷政事表三道

臣某言竊以使陪國論惟亮天工必用強明乃能協
濟豈容昏瞶可以叨君進冒聰明聲陳危悃中謝伏

念臣逮侍 皇帝列官外朝晚以喪歸因爲病廢伏遇
皇帝陛下召還辭禁擢豫經筵收於衆惡之中詎以萬機
之事搆說誣而並至輒賜辨明推孤拙以直前每蒙開納
陛下所以遇臣者可謂厚矣臣之所以報國者終於缺然
豈理勢之獨難抑才能之素薄方懼過尤之積乃罹疾
之加比欲外乞州藩冀以就營醫藥重念采薪之弗給尚
何守土之敢謀輒緣不能者止之言庶免貪以敗官之悔
伏望 皇帝陛下曲垂仁惻俯記愚忠賜以分司一官許
於江寧居住則天地之德實有施於餘年犬馬之勤冀或
輸於異日臣無任

臣某言近具表乞罷政事分司伏奉 手詔封還不允所
乞者私懷懇至已具布聞 聖訓丁寧未蒙開納取冒崇
高之聽再輸悃幅之情中謝臣聞任賢之方要其有用陳
力之義止於不能苟弗集於事功且重罹於疾豈容叨
據以累明揚伏念臣猥以孤生親逢盛世昧於量已志欲
補於休明失在信書事浸成於迂闊每煩衆論上恩聖聰
久知素願之難諧繼以積病而自困辭而去位度逃竊食
之誅勉以就工重荷包荒之德雖貪順命終懼妨功伏望
皇帝陛下閔度并容大明俯燭特垂矜允俾遂退藏如此
則孤進之身獲全生於末路具瞻之地得改命於時材臣
無任

二

臣某言今月十一日輒輸情素仰 聖恩憐實以抱疾之深
難於竊位之久過蒙敦獎未賜矜從事有迫於懇誠埋必
析於哀惻中謝臣信書自守與俗多違審容膝之易安因
忘擇地知戴盆之難望遂廢占天豈圖憂患之餘更值清
明之始寒之日長而暴之日短植之之人寡而拔之
之人多尚誤聖知驟妨賢路摩頂放踵雖願效於微勞以
故負山顧難勝於重任矧復啓昏而曠事若猶冒昧以尸
官是乃明憲之所不容豈特煩言之為可畏伏惟 皇帝
陛下天地覆載日月照臨賜以曲成容其少惕區區之力
或未慙於餘年斷斷小能冀尚施於異日臣無任

乞退表四

臣忠於爲國故進而能致其身君恕以及人故病則閔勞以事此今昔共由之通義實上下相與之至情敢觸冒昧之誅冀蒙哀矜之聽中謝臣受材鄙劣遭運休明陳愚或會於聖心承之遂尸於宰事謀謨淺拙謾不見其有成操行陵夷又或幾於無耻久宜辭位尚苟全恩豈圖養拙以乖方重以瞽昏而廢務粗嘗陳列未獲矜從黽勉以來浸淫遂劇大懼典司之曠上煩程督之嚴伏惟陛下詢事考言循名責實或輟夜分之寐常臨日昃之朝萬方黎獻之多略嘗祗辟三事大夫之守豈可瘞官仰冀高明俯昭困恤念其服勞之久愍其襁瘵之深及未干鈇鉞之時令

任
遂解機衡之任豈特少安於私義茲惟畢協於師虞臣無

二

臣昨具表乞解機政伏奉 手詔未賜俞允者明主訓辭

之寵宜即奉承匹夫志守之愚敢覬矜允中謝竊以品制百爲揔裁萬務任然蓋難於持久服勞寧可以獨資所以中外迭居是爲祖宗故事況於疲曳加以瞽昏若由昧冒而無慙其必顛隳而不救臣過叨睿獎備進近司當循名責實之時故任怨特多於前輩兼蠲令改制之事故服勞尤在於一身雖蒙全度之恩僅免譴訶之域其於多故實以難支矧疾疢之交攻且事爲之浸廢伏望 陛下昭其

困幅假以優游使得休養於衰疲以示保全於孤拙臣無任

三

臣某言近具表乞解機務伏奉 手詔未賜俞允者聖恩所及有隆天重地之施私義未安有深淵薄冰之懼中謝竊惟成湯高宗之世有若伊尹傳說之臣其道則格于帝而無疑其政則加乎民而有變石惟持入相亦有終迄乎中世之陵夷非復古人之鬻鬻忠或不足以取信而事上至於自明義或不足以勝姦而人人與之為敵以此乘權而久處孰能持祿以少安此臣之慮危於居寵之時而昧死有均勞之乞況於抱病浸以瘵宮伏惟 陛下道與日

濟德侔乾覆哀一夫之失所樂萬物之皆昌矧夫眷遇之優既已勤劬之久其蒙善賞使獲曲全賜其疲賤之身假以安閑之地則然車無用猶可具於勞薪棄席未忘或再施於華幄臣無任

四

臣某言伏奉 聖旨令臣入見赴中書供職者螻蟻微誠屢闕省覽天地六德未賜矜從中謝臣聞周之七也貴秦之士也賤周之上也肆秦之士也拘其縱之為貴其拘之為賤也故尚勢利而忘善惡貴故尊行義而矜廉恥士知尊行義而矜廉恥宗廟社稷之安而天下之治也伏惟陛下言必捨堯舜動必憲文武故視遇天下之士欲其貴

不欲其賤欲其辭不欲其拘臣以羈孤旁無攸助一言寤
意特見甄收適遭欲治之盛時實預扶衰之大義事或乖
於衆口而 陛下力賜辨明言有逆於聖心而 陛下常
垂聽納此臣所以履艱虞而不忌服勤苦而不辭雖百度
捨攘未就平成之叙然四年黽勉非無夙夜之勞今特以
心氣之衰疲目力之昏耗哀祈外補冀幸小休而乾剛確
然莫可回奪則是親值周家之忠享獨為秦士之賤拘事
與願違能無竊歎理當情恕豈免上煩實望 聖慈俯照
愚款外錫優閑之地少安疾疢之身須其有瘳乃責外效
臣生當捐軀以報德死當結草以酬恩

乞宮觀表四道

臣某言疏榮特異敢忘圖報之忠陳力弗能當布可辭之
義中謝伏念臣晚陪興運久汗近司黜患弗逮於清光衰
疾更成於瘵曠苟免大訶之責乃叨異數之加授以戎旃
班之宰席松楸舊國實使鎮臨蒲柳殘年足為榮耀顧在
宣化承流之地方當循名責實之時疲曳誰支顛隳可畏
仰祈睿眷俯徇愚衷并解將相之官外除宮觀之任託依
田里瞻守丘墳僅滿休養之私終獲夷瘳之福敢忘策勵
復此糜瘳指臣無任

二

臣某言近具表乞以本官外除一宮觀差遣伏蒙 聖慈
特降中使賜臣詔書不允者天地至恩實知難報螻蟻微

息尚竊有懷輒冒隆威更輸危瀆伏念臣遭逢異甚稱効
蔑如苟旅力之可陳豈餘生之足惜顧以憂傷而至弊重
為疾之所攬偷假使州必負曠原之責過尸厚祿更懷
叨昧之慙伏望 陛下本末燭知始終護念俯狗顧天之
懇俾無累國之尤尚冀寧瘼垂慈庶殞臣無任

三

臣某言輅傳俯臨聖書狎至仰荷眷存之厚第懷感悸之
深任有不勝勉非所及輒輸危懇再冒天威伏念臣久誤
至恩難圖報稱過尸榮祿易取災危力備矣而弗支氣喘
焉而將瀕窮閭掃軌斯為待盡之時莫府建旄豈曰養痾
之地所懼曠原之責敢辭通慢之誅伏望 陛下照以末

光遂其微請使極陸之為無眩視之悲濠梁之魚有從容
之樂度蒙慶復更誓糜捐臣無任

四

臣某言筋骸衰荼僅有餘生肝膈精微簡在聖聽豈圖寵
獎未賜矜從輒冒威尊更輸情素 中謝伏念臣久妨機要
初乏消埃苟免庶充實荷恩私之至敢緣多疾更尸名器
之崇比辱使輅係宣詔旨深惟策勵仰稱龍光而况病瘵
有加療治無損辭榮家食乃為理分之宜干澤自營尚恃
眷憐之舊伏惟 皇帝陛下衡聽萬事器使衆材念其毘
勉之終難假以便安而少惕瘵完體力圖報毫分臣無任

手詔令視事謝表

臣某言伏蒙宣示言者所奏輒具劄子乞博延公議改用
貧人伏奉詔獎勵令視事如故者謗議升聞已頓舜聰之
豁達懇誠上訴更煩周誥之丁寧竊以作威者主之權待
察者臣之禮蓋雖蒙非常之厚遇亦將避可畏之煩言臣
志尚非高才能無異舊惟所享之迂闊難以趨時因欲自
屏於寬閑庶幾求志惟聖人之時不可失而君子之義必
有行故當 陛下即政之初輒慕昔賢際可之仕越從鄉
郡歸直禁林或因勸講而賜留或以論思而請對愚忠偶
合即知素願之獲中睿聖日躋更懼淺聞之難副重叨殊
獎忝秉洪鈞所宜引分以固辭乃敢冒恩而輕就實恃明
主知臣之有素故以孤身許國而無疑人習玩於久安吏

循緣於積弊竅言不思設行無慙論善俗之方始欲徐徐
而變革思愛日之義又將汲汲於施爲以物役已則神志
有交戰之勞以道徇衆則事功無必成之望恐上辜於眷
屬誠竊幸於退藏猶貪仰附於末光亦冀粗成於薄効比
聞獨斷謂合僉言但輸承命之忠遂觸招權之毀因請避
衆貧之路庶以厭異議之人伏蒙 皇帝陛下敦大兼容
清明旁燭賜之神翰諭以至懷君臣之時嘗千載而難值
天地之造豈一身之可酬敢不自忘形迹之嫌庶協神明
之運臣無任

添差男旁句當江寧府糧料院謝表

臣某言近輒冒昧陳乞男旁句當江寧府糧料院一次伏

蒙特恩添差者去寄卧家猶尸厚祿祈榮及嗣更荷殊私
中謝伏念臣汗馬之勞初無可紀舐犢之愛乃敢有言顏
雖腆以知慙心固其於獲譴豈謂陛下矜軒輊之舊錄
簪履之微示特出於上恩俾遽叨於世祿繫曲成之造化
弗以遐遺徒共誓於糜捐安能仰稱臣無任

詔以所居園屋為僧寺及賜寺額謝表

臣某言基迹叢祠冀鴻延於萬壽錫名扁榜竊榮遇於一
時臣生乏寸長世叨殊獎賤息奄先於犬馬頽齡俯迫於
桑榆獨念親逢莫有消埃之補報永惟宏願豈忘香火之
因緣伏蒙皇帝陛下俯徇祈誠特加美稱所懼封人之
祝終以堯辭乃塵下者之園遽如第許仰憑慈念誓畢熏

修臣無任

依所乞私田充蔣山太平興國寺常住謝

表

臣某言緣恩昧冒方虞愆上之誅加意昇矜遂竊終
天之幸伏念臣少嘗陞阨晚悞褒崇榮祿雖多不逮
養親之日餘年向盡更為哭子之人追營香火之緣
仰賴金繒之賜尚復祈恩而不已乃將徼福於無窮
伏蒙陛下眷遇一於初終愛恤兼夫存沒特撓常
法俯成私求雖老矣無能莫稱漏泉之施若死而未
泯豈忘結草之酬臣無任

辭免司空表二道

臣某言今月十一日三班差使崔汝諧至奉宣詔旨
及齋賜制誥一道除授臣司空依前觀文殿大學士
集禧觀使加食邑四百戶食實封一百戶餘如故者
使輅馳授祗忝明恩家巷卧居敢叨虛獎中謝竊以
事官之所命異於時制之今除名稱三公班序一品
逢辰特幸稱位實難臣晚玷誤恩嘗尸劇任曾無尺
寸粗報眷憐獨有丘山莫知負載荒遠搜病之久休
明嗣服之初繇力薄材適甘於屏弃高秩厚禮更冒
於褒崇惟器與名恐身累國仰祈遷令追寢贊書燕
以衰殘獲所安之終吉亦令蹇淺免非據於具瞻臣
無任

二

臣某言近具表乞追寢恩命伏蒙

聖慈特降詔書

不允者隆施所逮懇辭弗俞輒冒天威更輸微款謝

臣事勞無能操行不修居竊萬鍾初未知於辭富坐

彌九載方有俟於黜幽豈圖邦命之新尚眷求人之

舊寵靈覃被危厲增加位高疾顛力少任重實前修

之切戒敢小醜之冒膺仰冀睿明顧憐衰朽改茲非

服免貽官謫之憂宥以用功使獲里居之佚臣無任

乞致仕表

此表不曾奏發
夢後檢見遺藁

臣某言瘵以曠官嘗恃食功之舊老而辭祿敢忘知
止之廉輒冒天威具輸微款伏念臣小聞寡識薄力

淺材信獨善以一心味自營之百慮久辜視遇特幸
遭逢昔也壯時尚無可紀今而耄矣豈有能為敢望
睿明許之致仕實矜危朽賜以全生庶以衰殘豫佚
太平之樂亦令遲暮免離大壘之嗟

新刊臨川王荆公先生文集卷之六十終

新刊臨川荆公先生文集卷之六十一
表

賀冊仁宗英宗徽號禮成表

賀景靈宮奉安列聖御容表

賀蓋宗皇帝登極表

賀升祔禮成表

英宗山陵禮畢慰 皇帝表

慰 太皇太后表

慰 皇太后表

英宗祔廟禮畢慰 皇帝表

慰 太皇太后表

慰 皇太后表

慈聖光獻皇后昇遐慰 皇帝表

慈聖光獻皇后啓殯及復土返虞慰 皇帝表

慈聖光獻皇后神主祔廟慰 皇帝表

慈聖光獻皇后暮祥除慰 皇帝表

正旦奉慰表 魯國大夫長公主薨慰表

八皇子薨慰 皇帝表

八皇子薨慰 皇帝表

謝宰相笏記 南郊進奉表

謝翰林學士笏記 代鄆州韓資政謝上表

常州謝上表 代王魯公乞致仕表 德用

代人賀壽星表 代人上明州到任表

代王魯公德用乞罷樞密使表

賀冊 仁宗 英宗徽號禮成表

臣某言伏覩進奏院狀報冊告 仁宗皇帝 英宗

皇帝徽號禮成者肇稱緝禮追薦鴻名揚二聖之闕

休風四海以純孝惠心昭假釐事備成臣中謝恭惟

仁祖以堯之魏上丕冒區夏 英考以舜之業上祗

承廟祧紹隆德至於難名崇報義存於無已 皇帝

陛下仰稽前憲俯采庶言命冊使而致嚴告匱主而

歸美神靈率籲其啓後於無疆品庶交欣以奉先而

不匱臣備叨殊眷獲睹上儀顧久負於沉痾乃獨妨

於旅進

賀景靈宮奉安 列聖御容表

臣某言新一代之上儀極二端之美報經始有傲實
自睿謀歡成無疆乃惟衆至臣中謝竊以闕宮鬼享
周特腆於姜嫄原廟神游漢獨隆於高帝遠或遺祖
近止及親恭惟 皇帝陛下服卑而即功食菲以致
孝嚴祖宗之衆像依仙釋而異宮館御因時初豈忘
於苟簡修除備物乃有待於純熙宸宇祕嚴篇榜崇
麗裸獻式序爰侑維時藐然往初孰此倫擬臣久尸
榮祿尚負宿痾聞釐事之既成與羣情而偕樂臣無
任

賀 哲宗皇帝登極表

臣某言伏觀赦書 皇帝陛下今月五日登寶位者
郊廟神靈未有宗依華夏蠻夷未有歸賴中謝恭惟
皇帝陛下光御歷服大承統緒以聖繼聖純祐無疆
臣遭遇先朝叨榮祿不獲奔走瞻望清光臣無任
智升祔禮成表

臣某言伏觀進奏院狀報七月十二日升祔禮成者
消選休辰肇稱吉禮神靈庶豫品庶交欣中謝竊以
登麗紫庭歸配清廟於稽在昔有舉維時恭惟

皇帝陛下德茂承桃志深念祖依唐文而制作致舜
孝於烝嘗釐事既成歡心溥協臣尚稷衰疾久隔清

光陪九賓之臚傳獨無厚幸借四方而來賀徒有微誠臣無任

英宗山陵禮畢慰 皇帝表

臣某言須石祀之材已襄葬故設九虞之主方考祔儀伏惟 皇帝陛下德懋欽明道隆勤孝雖送終之禮已備而追遠之念甫深惟願以抑哀實含生之至願臣限分鎮守阻豫班朝臣無任

慰 大皇太后表

臣某言官車云遊陵邑既營凡在照臨豈勝推慕伏惟

大皇太后道侔神育仁出天成永懷愛孝之隆尤積悲恫

之感稍舒慈念實慰輿情臣叨備從官限分符守徒有攀號之至痛初無辨護之微勞臣無任

慰 皇太后表

臣某言威靈有集方祔於廟祧感慕無窮外覃於亦當如伏惟 太后比賢任似縉慶塗幸祗協孫謀克襄大事地非倉括之遠勢有霸陵之安唯割至哀尚膺遐福臣備官有守奔問無階臣無任

英宗祔廟禮畢慰 皇帝表

臣某言七月而葬既充奉於寢園萬世不泯遂崇成於廟室凡居履壽同畫攀號伏惟 皇帝陛下膺保聖神踐行仁孝纏哀罔極率禮無違仙遊既集於宗枋聖念彌勤於

翼空仰祈順變俯瞻含生臣符守所櫻班朝莫豫臣無任
慰 太皇太后表

臣某言威靈來返祠廟有嚴序陳昭穆之倫定列祖宗之
次哀號罔極遐迩所同伏惟 太皇太后功佐帝圖德齊
坤載永惟孝愛尤積悲懷冀紓天性之慈以永母儀之福
臣無任

慰 皇太后表

臣某言宗祐告成皇靈來燕凡居覆露同盡哀摧伏惟
太后協慶塗山比賢太妙方正坤維之位上同乾施之仁
虞祔奄絃攀號靡極莫哀恫之有節庶福履之無疆臣限
守州符阻越天堦臣無任

慈聖光獻皇后昇殿慰 皇帝表

臣某言伏以上天降禍 太皇太后奄棄大養伏惟
皇帝陛下攀號感慕聖情難居臣限以衰疾在遠不獲奔
赴闕庭臣無任

慈聖光獻皇后歿及復土返虞慰 皇帝表

臣某言伏以日月徂遷伏承 太皇太后諏及協吉肇啟
殯宮聖情攀號何以勝處恭惟 皇帝陛下聖孝發中天
報備至感歎摧咽遐迩一情臣無任

二

臣某言伏承 太皇太后神宮復土奄及返虞聖心傷摧
何以勝處恭惟 太皇太后天助懿德以扶昌運輔佐保

祐功施三朝勇自棄捐宮闈爰及襄事 陛下哀恫夙夜
發於至情追奉致隆有溢常禮顯情報德內外畢盡孝治
所形入用感歎臣伏限在遠無緣奔走瞻望闕庭臣無任
慈聖光獻皇后神主附廟慰 皇帝表

臣某言伏承 慈聖光獻皇后神主附廟既克禮成伏惟
皇帝陛下聖孝終始哀慕難勝日月祖遷禮有順變伏望
少抑至情以幸天下臣無任
慈聖光獻皇后神主附廟慰 皇帝表

正旦奉慰表

臣某言伏以日昃流邁歲曆肇新 太皇太后棄捐宮闈
奄歷時序伏惟 皇帝陛下聖孝天至感慕難勝臣以衰
疾無緣奔走瞻望闕庭臣無任

魯國大長公主薨慰表

臣某言伏覩進奏官狀報魯國大長公主薨背伏惟 聖
情痛悼臣以衰疾無緣奔走伏望以理寬什俯慰群情臣
瞻望闕庭無任

八皇子薨慰 皇帝表

臣某言伏覩進奏院報八皇子薨背伏惟 聖情悲悼難
任敢乞抑割天慈以幸萬邦臣瞻望闕庭無任

八皇子葬慰 皇帝表

臣某言伏聞鄆王襄事有日靈輶即路伏惟 聖情悲悼
難勝敢乞割抑天慈以幸天下臣瞻望闕庭無任

謝宰相笏記

祗荷寵靈載懷感懼竊念臣志雖慕古才不逮時誤蒙記
憐特賜收用伏惟 皇帝陛下紹膺天統遵養聖功旁招
僭良橫及踈賤誓當罄竭仰祈寵光臣無任

謝翰林學士笏記

念哀去國扶憊造朝黼坐禁嚴許之無見玉堂閱麗賜以
叨居申飭使人就傳德音事雖有故寵實非常莫知報稱
之謂何徒荷眷求之如此臣無任

常州謝上表

臣某言以貧擇利以病辭歸此於 營其之朝皆在謹何之
域中謝伏念臣比在詳牧常求外 官蒙恩朝廷改職歲縣
未識賢勞之力已纏惛眩之病區區本懷懇上自訴遂蒙
優詔特與便州維臣之愚所幸非 敏受祿則辭貧而取富
當官則讓劇而求閒使有以臨知 非其極此蓋伏遇 皇
帝陛下明照萬物寬惠四方在宥而不探其可誅因能而
不責其所之顧雖無用於當世嘗以有聞於先臣恩報所
蒙敢忘盡瘁然而州郡撫循之勢患在數更官司考課之
方要諸久任惟此弊邑比多凶年歲行兩周守吏八易當
郡人煩勞之後以臣身疲病之餘自非少假以歲時將必

上孤於器使所祈降釜姑使息有則斷上一臣不獨免於
大戾元元萬室儻有望於小休臣瞻天倚聖無任

南郊進奉表 紅寧

臣某言伏以郊兆宗祈臣工顯相慶九畿之藩屏備萬物
之貢輸前件物掌於邦財歛自民職藉藉燎裡之盛式修
弊獻之常臣無任

代鄆州韓資政謝上表

臣某言祕殿升華名城借重寵靈益分媿懼交懷神竊念
臣世系單平天姿滯回親逢文雅之會首玷秀薦之科甞
勉在公優游過紀被蒙眷與度越等夷省寺備官禁庭充
衛分無可承懼抵冒於空章章心有所長使禪參於治政朴

忠自信智慮罕通未盡將明之才已干訶譴之典至寬之
度橫貸其愆禿夫左右之聯寄以東南之屏敗財傷錦宜
有衆多之識增秩賜金本非平素之望敢圖上聖復眷
孤臣就徒通班改司善部惟汶陽之奧壤乃魯服之大邦
豈繫薄材稱是煩使此蓋皇帝陛下遇臣之造於遠不
忘燭物之明雖微必逮追惟躋履之舊特借葦雲之休切
自揣循將安報稱敢不激昂志尚陳悉政經宣布詔條之
寬緩安風俗之厚戾幾一得少補萬分臣無任

代王魯公乞致仕表 德用

臣某言臣聞下之所以忠於上力已愆則不敢廉厥官君
之所以愛其臣年已至則不思勞以事敢緣茲義冒盡所

言中謝伏念臣以斗筭之材加大馬之齒比嘗得謝誤復
見收血氣既衰日月逾邁固已積妨賢者之路豈獨多曠
朝廷之儀伏望 聖慈許令致仕則賴天之力使終晚節
之復游訖臣之身得免大誅之憤耗臣無任

二

臣某言愚臣之在眷年禮當求去 聖主之於舊物恩不
忍捐顧在禮之可言敢緣恩而苟止中謝伏念臣起身此
賤逢世休嘉年除歲遷遂塵於非望夙興夜寐常媿於無
勞惟是寵榮殊非所欲知固陋言敢爲高徒以歲路之
何窮不勝人言之甚衆爭前而冒寵則辱之在後也或多
蓋衆以擅榮則患之及身也常酷之亦有傷於國體豈惟

無補於臣身此臣所以迫切於歸誠而彷徨於受命也况
陛下接三后之列享百年之平勢盈則非易以持法久則
當通其變此誠致慎於安危之際而責難於將相之時雖
臣旅力之方剛亦宜知止豈此餘生之無幾尚可妨賢伏
望 天慈俯循人欲上以終愛人之德下以免累國之誅
則膂力既愆雖負捐軀之素志餘忠未訖猶知請祝於明
時干冒宸嚴臣無任

三

臣某言竊以將相之權臣之所會得君親之命臣之所憚
違懇上至於辭說之窮區區亦惟義理之迫辦伏念臣典
司機密陪輔清光年之侵尋職以曠廢假息幸蒙於寬政

引身輒旬於餘年豈期愚衷未動聖察令臣股肱便敏足以起賓贊之儀耳目精明足以副謀謨之託雖知當退猶願自強柰何獨以罷廢之軀而欲久私要劇之地自計且知其不可人言孰以為當然伏望 聖慈哀憐惻愍無空敷獎使得罷休臣無任

代人賀壽星表

臣某言上靈儲祉南極效祥凡在觀瞻實增慶抃伏以皇帝陛下紹休 三聖博愛萬方唯乾則之非常宜星文之底應臣叨塵宴近親會休嘉諒聞太史之占敢後封人之祝臣無任

代人上明州到任表

臣某言奉勅差知明州已於某月到任訖夷越故區東南窮處施澤之下歡然有生庇身於茲坐以無事中謝臣受材素薄推數頗奇居有朴忠之心進無通顯之路晚塵卽位頗切郡章歸待罪於省中退得落於海上自初受命以至造官歷年兩周取道萬里備艱阨職臣之分使然卒就宴安賴上之恩抵此餘年且索旅力已愆尚何施為可以報稱於苟利國家之事靡所不思及未填溝壑之時度我無愧臣無任

代王魯公德用乞罷樞密使表

臣聞周任有言曰陳力就列不能者止自惟賤官之守猶或不敢冒居况於任重責大安危所繫豈其瘠昏備老可

以夕號敢緣前言上冒聖聽伏念臣以疵賤之身遭逢
陛下拔擢兼官將相典領機密內之無陪輔將明之効外
之無折衝禦侮之勞是陛下所以寵臣者不可勝此言
而臣之所以報陛下者未嘗能稱況今犬馬之齒七十
有七不能者止宜在此時顧貪恋聖世未敢乞身田里長
達陛下左右惟機務之衆非臣疲曳所能勉強伏望
陛下憫臣無狀賜罷樞密院職事毋使久塞賢者之路臣
不任祈恩待命激切之至

臣比以殘餘之生久壅賢路願還要職退就散地天聽高
觀未蒙照省倦倦之私竊不自寧敢緣厚恩求必愚瞽臣

聞量臣以授官者君之所以仁於下也審已以從事者臣
之所以忠於上也今臣罷老雖近在臣身謀之有所不給
況於官隆事劇所摠不一以臣審已誠不宜久叨權寵畏
負陛下任使之意伏惟陛下量臣之聰明不足以逮
事量臣之強力不足以副禮聽臣所丐毋令四方有議
陛下信任之久而臣亦賴陛下之賜免於官謗臣無任

三

倦上之私至于再三上恩聖聽而終未蒙省察獎誘過渥
非臣所堪區區之愚豈敢苟止伏念臣以顛蒙遭遇拔擢
人臣貴寵少在臣右而勞烈行治無稱於時機密之地安
危所繫雖臣方壯固懼不稱況於殘年餘日豈宜尚汚印

較為朝廷羞方今明明在上濟上多士足以典司樞要補
敝救失稱 陛下任使副元元之望者甚衆 陛下雖欲
苟私愚臣臣雖欲自侍左右稱所以幸臣之意豈惟公論
於臣有所不容誠恐覆餗以虧 陛下知人之明而令賢
能宜在高位者久踣於聖世則夷身毀宗不足以塞責矣
伏惟 陛下哀臣懇迫聽臣所丐以終 陛下眷寵老臣
之賜臣無任

新刊臨川王荆公先生文集卷之六十一終

新刊臨川王荆公先生文集卷之六十二

論議

郊宗議

答聖問齋歌事

看詳雜議

詳定十二事議

郊宗議

伏奉 聖問
撰議繳進

問郊祀后稷以配天宗祀文王於明堂以配上帝二者皆
配天也或於郊之圓丘或於國之明堂或以冬之日三或
以季秋之月或以祖或以禘或曰配天或曰配上帝其義
何也對曰天道升降於四時其降也與人道交其升也與

人道辨冬日上天與人道辨之時也先王於是乎以天道事之秋則猶禾辨乎人也先王於是乎以人道事之以天道事之則宜遠人宜以自然故於郊於圓丘以人道事之則宜近人宜以人為故於國於明堂始而生之者天道也成而終之者人道也冬之日至始而生之之時也季秋之月成而終之之時也故以天道事之則以冬之日至以人道事之則以季秋之月遠而尊者天道也邇而親者人道也祖遠而尊故以天道事之則配以祖禰邇而親故以人道事之則配以禰郊天祀之大者也禘於天之群神故曰以配天明堂則弗禘也故曰以配上帝而已夫天與人異道也天神以人事之何也曰所謂天者果異於人邪所謂

人者果異於天邪故先王之於人鬼也或以天道事之蕭合稷黍臭陽達於牆屋者以天道事之也嗚呼天人之不相異非知神之所為其孰能與於此此禮也尚矣孔子何以獨稱周公曰嚴父配天者以得天為盛天自民視聽者也所謂得天得民而已矣自生民以來能繼父之志能述父之事而得四海之驩心以事其父未能盛於周公者也

答聖問賡歌事

臣聞叙有典秩有禮命有德討有罪皆天命也人君能勅正則治不能勅正則亂所以勅正之不可以無其為一也然為於可為之時則治為於不可為之時則亂故人君不可以不知時時有難易事有大細為難當於其易為大當

於其細幾者事細而易為之時也故人君不可以不知幾
帝庸作歌曰勅天之命惟時惟幾此之謂也人君雖知此
然賢臣不心悅而服從則不能興事造業而熙百工乃歌
曰股肱喜哉元首起哉百工熙哉此之謂也夫欲股肱之
喜蓋有其道矣蓋人君率其臣作而興事在明乎善而已
明乎善在所為法以示人者當所為法以示人者當乃股
肱之所以喜也股肱喜而事功成事功成而能屢省以不
怠廢此又股肱之所以喜也為是者在欽而已矣臯恂拜
手稽首賜言曰念哉率作興事慎乃憲欽哉舜省乃成欽
哉此之謂也蓋憲者為法以示人之謂也所謂法以示人
者當率法慎為能然欽慎而不明乎善亦何能濟故人君

者以明乎善為難苟明乎善矣則人臣孰敢為不善人臣
無敢為不善事其有不治者乎乃賡載歌曰元首明哉股
肱良哉庶事康哉此之謂也人君不務近其人論先王之
道以自明而苟欲以耳目所見聞總天下萬事而斷之以
私智則人臣皆將歸事於其君而不任其責淫辭邪說並
至而人君聽斷不知所出此事之所墮也又歌曰元首叢
脞哉股肱惰哉萬事墮哉此之謂也然則人君欲股肱良
而庶事康不在乎他在明乎善而已明乎善不可以責諸
人也伏惟天錫陛下以堯舜之材自秦漢以來欲治之
主固未有能髣髴者然百工未熙庶事未康者殆所謂近
其人論先王之道以自明者尚有所缺而非可以他求也

臣昨日蒙德音喻及尚書賡歌之事而愚僉倉卒言不及
究故敢復具所聞以獻伏惟 聖心加察幸甚

看詳雜議

臣今月二日至中書曾公亮傳 聖旨以雜議一卷付臣
看詳臣謹具條奏如後

議曰官有定員則進趣雖多不能為濫宜定臺省監寺
之員須有闕然後用

臣某曰今之臺省監寺之官雖名曰職事官而實非前代
之所謂職事官而與前代刺史等所帶檢校官無以異前
代檢校官之類亦不能定員行有闕然後擬前代所謂職
事官即今所謂差遣是也今之差遣固已有定員須有闕

然後用人矣若欲令今所謂職事官亦有定員則今職事
官以差遣員數校之幾至兩倍而有功有考當陟者又未
有以禦之欲有定員所謂可言而不可行者也

議曰內外之官正其名稱出則正刺史縣令之名入則
還臺省之名

臣某曰前代有勳官有散官有檢校官有職事官勳官散
官當其有罪則皆得議請減而應免官則又可以當官而
檢校官與今行守之官無異故朝廷與奪皆足以為人榮
辱利害今散官勳官檢校官既不足以為人榮辱利害為
人榮辱利害者唯有職事官與差遣而已今若令內外官
正其名稱出則正刺史縣令之名入則還臺省之名則是

丞即知州謂之刺史京朝官知州亦謂之刺史不知職事
官之貴賤何以別乎又其祿秩位次不知當復如何若同
之則理不可行若不同則與未名之時又何以異臣以為
今州郡長吏謂之知州非不正名所領職事官乃與前代
刺史等帶檢校官無異何傷於正名而欲改之乎且漢以
丞相史刺察州郡謂之刺史今欲名州郡長吏為刺史則
何得謂之正名

議曰罷官而止俸

臣某曰文王治岐仕者世祿武王克商廢士倍祿蓋人主
於士大夫能饒之以財然後可責之以廉耻方今士大夫
所以解廉寡耻其原亦多出於祿賜不足又以官多員少之

故大抵罷官數年而後復得一官若罷官而止俸恐士大
夫愈困窮而無廉耻士大夫無廉耻最人主所當憂且邦
財費省之大原乃不在此議者但知引據唐事乃不知唐
時官人俸厚故罷為前資未至困乏今官人俸薄則與唐
時事不得同且不吝於與人以官而欲吝於與官以祿非
計之得也

議曰以釐務實日併為三年以叙磨勘之法以符考績
之義

臣某曰今欲以釐務實日併為三年以叙磨勘之法臣以
為不釐務者非人情之所欲也釐務者非人情之所苦也
今等之無功而釐務則計日得遷等之無罪而不釐務則

不得計日而遷恐未足以符考績之義而適足以致不均之怨也且黜陟之法務在沮勸罪功不知立法如此有何沮勸

議曰置兵部審官院

臣某曰崇班以上置兵部審官院此恐可議而行然崇班以上差遣盡付之兵部則不可行當約文吏之法相度所任輕重緩急有付之審官者有屬之樞密者至於磨勘則官視卿監以下皆付之兵部審官可也

議曰置兵部流內銓以代三班及置南曹

臣某曰三班院無以異於兵部流內銓何必以代三班乎今三班自無關事而又增置南曹則非省官之意

議曰廢江淮荆浙發運使

臣某曰江淮荆浙發運使嘗廢矣未幾復置者以不可廢故也蓋發運使廢則其本司職事必令淮南轉運使領之淮南轉運所總州軍已多地里已遠而發運司據六路之會以應接轉輸及他制置事亦不少但以淮南轉運使領發運則發運一司事多壅廢此蓋其所以廢而後置也臣比見許元為發運使時諸路有歲歉米貴則令輸錢以當年額而為之就米賤路分糴之以足年額諸路年額易辨而發運司所收錢米常以有餘或以其餘借助諸路闕乏其所制置利便多如此類要在揀擇能吏以為發運而已發之不為使也

議曰廢都水監

臣某曰都水監亦恐不可廢今議者以謂比三司判官主領之時事日煩費日廣舉天下之役其半在於四渠隄埽故欲廢之此臣之所未喻也朝廷以為天下水利領於三司則三司事叢不得專意而河渠隄埽之類有當經治而力不暇給故別置都水監此所謂脩廢官也官脩則事舉事舉則雖煩何傷射費則利興則雖費何害且所謂舉天下之役半在於河渠隄埽者以為不當役而役之乎以為當役而役之乎以為不當役而役之則但當察官吏之不才而不當廢監以為當役而役之則役雖多是乃因置監故吏得脩其職而無廢事也何可以廢監乎且今水

土之利患在置官不多而不患其冗也

議曰合三部句院

臣某曰三部句院臣未知其詳然恐由近歲三司帳籍鈎考之法大壞而不舉故三司句院有事簡處若不然則此三部句院理不可合

議曰提舉百司不當用內制但用如張師顏者

臣某曰提舉百司多用內制而今患其與三司並行指揮庫務異同難稟臣以為唯權均體敵乃可以相檢制事有異同則理有枉直近在闕門之外則非理皆得上聞庫務官司亦何嫌於難稟今若只用如張師顏者一人與三司表裏綱紀細務則恐與三司權不均體不敵雖足以綱紀

細務而三司措置百司失理莫能與之抗議今使內制一人總其權以敵三司又使如張師顏者一人躬親點檢細事小既足以究察諸司姦弊大又足以檢制三司如此處置未為失也若以為費而當省則提舉百司於內制但為兼職廢之何所省乎

議曰廢宮觀使副都監

臣某曰宮觀置使提舉都監誠為冗散然今所置但為兼職其有特置則朝廷禮當尊寵不以職事責之者也廢與置其為利害亦不多若議冗費則宮觀之類自有可議非但置使提舉都監為可省也

議曰外則并郡縣

臣某曰中國受命至今百餘年無大兵革生齒之衆蓋自秦漢以來莫及臣所見東南州縣大抵患在戶口衆而官少不足以治之臣嘗奉使河北疑其所置州縣大多如雄莫二州相去纔二十餘里聞如此者甚衆其民徃役固多財力彫弊恐亦因此然臣不深知其利害不敢有言

議曰詔執事之臣下逮有司俾行審官銓選之職稍稍寬假使時有簡拔

臣某曰今朝廷使監司守倅及知雜以上各以所知同罪薦舉人材然尚慮其所舉不如與狀今若令有司行審官銓選之職時有簡拔臣恐以一二人之耳目不足以盡天下之材而所簡拔不足以塞士大夫之非議又其所任或

不免交私則於時政徒有所損而已

議曰擇判司簿尉三考四考有兩紙三紙舉狀者引對給筆札條為治目不拘文辭咸以事對命官考驗有理趣者除縣令三考績效有聞悉提刑轉運上其實狀除京官再入兩任知縣如政績顯白與減一任通判便除知州

臣某曰議者以為近世縣令最早有出身三考無出身四考不問其人材如何但非臆犯則以次而授焉其非重民安本之誼臣以為今有出身三考無出身四考皆有三入舉主乃得為縣令非不問其人材如何而特以次授也蓋近歲朝廷舉令之法最善故近歲縣令亦稍勝於往時但

朝廷誘養之道未絕督察之方未盡大抵人才難得非特縣令乏人今議者欲擇判司簿尉三考四考有兩紙三紙舉狀者引對欲除以為令則與舉令之法無甚異也若欲以筆札條對求治民之材臣恐不必得治材之實但得能文辭談說者爾又以為績效有聞則提刑轉運上其實狀即除京官若令提刑轉運舉者至於五人而後與轉京官則得轉京官者少若但要提刑轉運舉狀不必五人而後轉則如此選擢之人何以知其賢於舉令而遠優異之如此又以為兩任知縣政績顯白與減一任通判便除知州不知政績如何而可以謂之顯白若有殊尤可賞則朝廷自當選擢及有升任指揮若不足以致選擢及升任指揮

則其政績不為甚異政績無甚異而更不用閑陞之法便
減一任通判與除知州臣恐入知州者愈冗而所除又未
必賢

右臣所聞淺陋不足以知治躰謹具條奏并元降雜議
封上取進止

詳定十二事議

起居舍人司馬光起請舊官九品之外別分職任差遣為
十二等以進退群臣十二等之制宰相第一兩府第二兩
制以上第三三司副使知雜御史第四三司判官轉運使
第五提點刑獄第六知州第七通判第八知縣第九幕職
第十令錄第十一判司簿尉第十二其餘文武職任差遣

並以此比類為十二等若上等有闕則於次之中擇才以
補之奉 聖旨兩制詳定聞奏王珪等詳定司馬光起請
難盡施行外致治之要在任官之久欲乞知州令滿三年
為一任通判人緣審官院見今負多闕少候將來差遣得
行亦別取指揮知縣人今後初入者並滿六周年方入通
判仍乞下審官詳定條約聞奏者臣愚以謂司馬光十二
等之說王珪等既以為難行而珪等所議知州三年為一
任知縣六年方入通判亦無補於官人失得之數朝廷必
欲大脩法度甄序人材則以至誠惻怛求治之心博延天
下論議之士而與之反復必有至當之論可施於當世凡
區區變更而終无補於事實者臣愚竊恐皆不足為

新刊臨川王荊公先生文集卷之六十二

